



Inatsisartunut ilaasortaq  
Ruth Heilmann  
-/maani

**Siumut sinnerlugu Inatsisartunut ilaasortap Ruth Heilmannip § 37 naapertorlugu apeqqutaanut allakkatigut akissutit.**

1. maj 2012  
Suliap no. 2012-065292  
All. Upp. Nr. 893411

Inatsisartunut ilaasortap apeqqutaanut qujavunga.

Postboks 1160  
Oqa: 34 50 00  
Allak: 32 55 05  
3900 Nuuk

Email: pn@nanoq.gl  
www.nanoq.gl

Apeqqutit imaapput:

1. **Nunatsinni kigutit nakorsaannik amigaateqartarnerujussuaq ullumikkut sine-rissami assut ajornartorsiutaasoq qanoq annertutigaa imaluunniit pitsanngoriaateqarsimava?**
2. **Nunatsinni kigutit nakorsannngorniarlutik ilinniartitaanerup nunatsinni inuusuttut ilinniagaqarniartunik qanoq soqutigineqartigaa?**
3. **Taamatut kigutit nakorsaannik amigaateqarneq imatut matussuserumaarne-garnissaa siunissami qanoq neriunaateqartigaa?**
4. **Nunaqarfinni kigusiartarnek ullumikkut qanoq aaqqissuussaava, aamma ajornartorsiutit suut naapitassaappat?**

#### **1-imut)**

1995-ip missaa tikillugu nunatsinni kigutit nakorsaattut atorfiit tamarmik kigutit nakorsaannik aalajangersimasumik atorfilinnik inuttaqartarsimapput. Tamatum kingorna kigutit nakorsaat nunatsinniit aallartut nutaanik aalajangersimasumik atorfilinnik taarserneqartarnerat assut ajornarnerulersimavoq.

Ullumikkut ukiumut sulisorisinnaasat 30-t missaanniittut akuerisaapput, aamma atorfinit-sitsinerit tamarmik isumaqatigiissutit atuuttut malillugit pisarput.

2010-mi aalajangersimasumik atorfillit 23 %-it missaanniipput, ullumikkulli kisitsit 33 %-ulluni. Taamaasilluni tamanna qaffariarneruvoq tutsuiginartumik ilorraap tungaanut ingerlasoqalerunarnernik ersersitsisoq, pingaartumik kigutit nakorsaasa inuusunner-saasa akornanni annertuumik soqutiginnittoqalersimanernik pissuteqartoq.

#### **2-mut)**

Ullumikkut kalaallit kigutit nakorsaattut ilinniartut ilinniagaqarnerup immikkoortuini assi-giinngitsuniittut arfineq marluk nalunaarsorsimapput.

#### **3-mut)**

Eqqaaneqartut nuannersuuvoq aalajangersimasumik atorfillit amerliartornerannut ata-tillugu ilorraap tungaanut ingerlasoqalersimammat.


Kigutit nakorsaannik massakkorpiaq amigaateqarneq inuttassarsiuussinermi ajornartorsiuteqarnermut aningaasaliissutillu killeqarnerannut, taamaalillunilu taartaagallartussanik pissarsiortarfinit atorfinitsinnaannginnermut ataqatigiissillugu isiginiarneqassaaq. Tassunga atatillugu pingaaruteqarpoq eqqaamassallugu, naak kigutit nakorsaata amigaa-taagaluartut, ukiuni makkunani angusaqarfiulluartumik pitsaaliuineq ingerlanneqarmat, kigutigissaasunit kigusiartarfimmilu ikiortinit pikkoreqisunit pimoorussisunillu isumagine-qartumik.

Tamatuma saniatigut ilinniartitaanerup tungaatigut kalaallit kigutigissaasutut immikkut ilinniagaqarsinnaanissaannik pilersitsisoqarpoq kigutit tungaatigut piginnaasat eqqar-saatigalugit ilaatigut kigutit nakorsaasa suliassaasa ilaannik isumaginissinnaasunik qulakkeerinissaq anguniarlugu.

#### 4-mut)

Nunaqarfiit aallaavittut kigutit nakorsaannit kigusiartarfimmilu ikiortimit ukiumut marloriarluni tikeraarneqartarput, tamakkunanilu tamatuma piviusunngortinneqarfigisin-naasaanni meeqqat akornanni kigutit peqqissuunerat malunnaatilimmik pitsanngoriar-simasoq ullumikkut takussaavoq. Kigutit nakorsaannit nalinginnaasumik sullinneqarneq sapinngisaq malillugu kigutit nakorsaata atortui angallattakkat nassarlugit nunaqarfinni isumagineqartarpoq, najugaqartulli immikkut pisariaqartitsisut imaluunniit pinartumik pisoqartillugu namminneq illoqarfimmi kigutileriffimmut saaffiginnittariaqartarput.

Inussiarnersumik inuulluaqqusillunga



Agathe Fontain



17. april 2012

Kalaallit nunatsinni inatsisartut suleriaasiat § 37 imm. I naapertorlugu Naalakkersuisunut apeqqut:

1. Nunatsinni kigutit nakorsaannik amigaateqartarnerujussuaq ullumikkut sinerissami assut ajornartorsiutaasoq qanoq annertutigaa imaluunniit pitsanngoriaateqarsimava?
2. Nunatsinni kigutit nakorsanngorniarlutik ilinniartitaanerup nunatsinni inuusuttut ilinniagaqarniartunik qanoq soqutigineqartigaa?
3. Taamatut kigutit nakorsaannik amigaateqarneq imatut matussuserumaarneqarnissaa siunissami qanoq neriunaateqartigaa?
4. Nunaqarfinni kigusiartarneq ullumikkut qanoq aaqqissuussaava, aamma ajornartorsiutit suut naapitassaappat?

(Inatsisartuni ilaasortaq Ruth Heilmann Siumut)

**Tungavilersuut:**

Ullumikkut 17 aprili kigutit ulluat, taamatut nunatsinni ulloqartarneq assut torrallataavoq, aammalu kigutigissaasunik sulilluartunik peqarnerput assut meeqqat kigutiminnik paarsilluartarnerannut pitsaasumik ukiuni kingullerni meeqqat kigutaasa pitsaassusaanut sunniuteqarluarsimasoq nalunangilluinnarpoq. Aammalu allaat meeqqat nuunuaaneranniit meeqquerivinni kigutilerisarfnilu angajoqqaat peqatigalugit ilitersuisarnerup ingerlanneqartalenera assut pinaveersaartitsinerup iluani pitsaasumik iliuuseqarnertut isigisariaqarpoq. Kariasstrategip taamatut siunissami meeqqat atuartuuneranni inger-lanneqartuarnissaa ilumut pisariaqarluinnarpoq.

Ungali kissaatigaara maanna inuusuttuusut inersimasut utoqqaallumi sinerissamiittut illoqarfinni nunaqarfinnilu aamma kigutit nakorsaannik sullinneqarsinnaanerminnut periarfissaqartuarnissaat sullinneqarnerisalu pitsaassuseqartumik ingerlanneqarnissaa pisariaqarluinnarpoq. Taamaattumik qulaani apeqqutima akineqarnissaat qilanaaraara.